

ԱՐՁԱՆԱԳՐՈՒԹՅՈՒՆ

Լոռու մարզի Սպիտակ համայնքի Հարթագյուղ բնակավայրում կառուցվող կրթահամալիրի շրջակա միջավայրի վրա ազդեցության գնահատման հաշվետվության վերաբերյալ հանրային լսումների

Համաձայն «Շրջակա միջավայրի վրա ազդեցության գնահատման և փորձաքննության մասին» օրենքի (այսուհետ՝ Օրենք ՀՕ-150-Ն, խմբ. 3.05.24թ.) և ՀՀ կառավարության 2014 թվականի նոյեմբերի 19-ի N 1325-Ն որոշմամբ սահմանված կարգով՝ 2024թ. դեկտեմբերի 4-ին ժամը 12:00-ին՝ Լոռու մարզի Սպիտակ համայնքի Հարթագյուղ բնակավայրի վարչական ղեկավարի նստավայրում, կայացել է «Շինվեկտոր» ՍՊԸ-ի կողմից փորձաքննության ներկայացված Հարթագյուղ բնակավայրում կրթահամալիրի կառուցման շրջակա միջավայրի վրա ազդեցության գնահատման հաշվետվության վերաբերյալ հանրային լսումը (2-րդ լսում):

Հանդիպմանը մասնակցում էին «Շրջակա միջավայրի վրա ազդեցության փորձաքննական կենտրոն» ՊՈԱԿ-ի, «Շինվեկտոր» ՍՊԸ-ի (նախաձեռնող, հաշվետվությունը կազմող), «Հայաստանի տարածքային զարգացման հիմնադրամ»-ի (պատվիրատու), Սպիտակ համայնքից՝ համայնքապետարանի աշխատակիցները, Հարթագյուղ բնակավայրի վարչական ղեկավարը, դպրոցի տնօրենը և ուսուցչական անձնակազմը ինչպես նաև շահառու համայնքների ներկայացուցիչները:

Շրջակա միջավայրի նախարարության «Շրջակա միջավայրի վրա ազդեցության փորձաքննական կենտրոն» ՊՈԱԿ-ի ներկայացուցիչ՝ **Հ. Ֆրունզիկյանը** ողջունեց ներկաներին, ներկայացավ և խնդրեց հանդիպման մասնակիցներին ներկայանալ:

Հ. Ֆրունզիկյանը ներկայացրեց հանդիպման նպատակը, այնուհետև հայտնեց, որ Համաձայն «Շրջակա միջավայրի վրա ազդեցության գնահատման և փորձաքննության մասին» (ՀՕ-150-Ն) օրենքի 12-րդ հոդվածի 4-րդ մասի 8-րդ կետի ա. ենթակետի՝ նախատեսվող գործունեությունը հանդիսանում է «Բ» կատեգորիայի գործունեության տեսակ և ենթակա է փորձաքննության: Գնահատման հաշվետվությունը ուղղարկվել է տարբեր նախարարություններ և շրջակա միջավայրի մասնագիտական ստորաբաժանումներ որոնք իրենց առաջարկություններն ու դիտողություններն են ներկայացրել, փորձագետի կողմից փորձաքննվել է և ուղղարկվել է լրամշակման, որը լրամշակվել է «Շինվեկտոր» ՍՊԸ-ի կողմից: Այնուհետև ներկայացրեց շինարարական աշխատանքների կատարման ընթացքում հիմնական բացասական ազդեցությունները կապված փոշու արտանետումների հետ՝ քանդման, փորման աշխատանքների

ընթացքում, վառելիքի արտանետումների հետ՝ շինարարական տեխնիկայի շահագործման ժամանակ և այլն, որոնց կանխարգելման ու մեղմման համար պետք է իրականացվեն հետևյալ մշտադիտարկումներ և միջոցառումներ՝

- շինարարական հրապարակի ժամանակավոր ցանկապատում
- շինարարական աղբի կանոնավոր հեռացում թույլատրված աղբավայր, ինչպես նաև շին. հրապարակում կենցաղային աղբի համար նախատեսված աղբամանների տեղադրում,
- շինարարական հրապարակի ջրցանում և փոշու արտանետումների մակարդակների կառավարում ՀՀ թույլատրելի նորմերին համապատասխան,
- շինարարական մեքենաների սահմանափակ տեղաշարժ՝ 30 կմ/ժ չգերազանցող արագությամբ, իսկ բեռնատարների դեպքում՝ թափքի ծածկի առկայությամբ,
- աղմուկ առաջացնող աշխատանքների իրականացում թույլատրելի մակարդակների
- սահմանում և ցերեկային ժամերին՝ մինչև ժամը 18:00,
- մեքենաների անիվների լվացման և մաքրման միջոցառումներ (կոպիճե մակերեսներ)՝ հրապարակից ցեխի և փոշու տարածումը կանխելու նպատակով,
- վառելիքի և նավթանման նյութերի պահումը իրականացնել բետոնե, ավազե հիմքերի կամ մետաղական անթափանց տակդիրների վրա և այլն:

Ներկայացնելուց հետո խոսքը փոխանցեց «Շինվեկտոր» ՍՊԸ-ի ներկայացուցիչ Քրիստինե Սահակյանին և խնդրեց ավելի մանրամասն ներկայացնի նախատեսվող գործունեությունը:

Ք. Սահակյանը մանրամասն ներկայացրեց Հարթագյուղ բնակավայրում կրթահամալիրի կառուցման ծանոթացրեց նախագծին, կրթահամալիրի հարկերը, դասասենյակների դասավորությունը և այլն, որից հետո խոսքը փոխանցեց շրջակա միջավայրի վրա ազդեցության գնահատման հաշվետվությունը կազմող Հրանուշ Ալեքսանյանին:

Հրանուշ Ալեքսանյանինը ներկայացրեց գործունեության իրականացման ընթացքում առաջացող ազդեցությունները շրջակա միջավայրի վրա, և դրանց նվազեցմանն միտված միջոցառումների շրջանակը, որից հետո ներկայացրեց կանաչապատման նախագիծը, և ասաց որ տարածքում առկա ծառեր և թփեր չկան, նախատեսվում է իրականացնել լայնամաշտաբ կանաչապատման աշխատանքներ և թվարկեց կանաչապատման համար ընտրված ծառատեսակները:

Համայնքապետարանի ներկայացուցիչը. հարցրեց թե ինչ սկզբունքով են ընտրվել նոր տնկվող ծառատեսակներն ու քանակները:

Հ. Ալեքսանյանը պատասխանեց ելնելով բնակլիմայական պայմաններից ընտրվել են ծառատեսակները որոնք բնորոշ են տարածքին, և նշեց որ կարող ենք քանակները փոփոխել համաձայնեցնելով վարչական ղեկավարի հետ:

Հ. Ֆրունզիկյանը հարց բարձրացրեց կապված տնկվող ծառերի խնամքի, տարծքի ոռոգման, շինարարական փուլում կենցաղային կեղտաջրերի հեռացման ինչպես նաև մշտադիտարկումների վերաբերյալ, և շինարարության ընթացքում ջրցան իրականացնելու վերաբերյալ:

Հ. Ալեքսանյանը պատասխանեց որ շինարարական աշխատանքների ընթացքում տեղադրվելու է սեպտիկ հոր, դրանց սպասարկումը իրականացվելու են կառուցապատող ընկերության կողմից, հետագայում դրանք կիրականացվի համայնքի կողմից, և հավելեց որ ջրցան իրականացվելու է ամբողջ շահագործվող տարածքում:

Դպրոցի տնօրենը հետաքրքրվեց արդյոք ունենալու ենք առանձին կաբինետներ և լաբորատորիաներ:

Հ. Ալեքսանյանը պատասխանեց, որ այո՝ և լաբորատորիաներ են լինելու, և սակավաշարժ խմբերի համար նախատեսված դասասենյակներ և թեքահարթակներ, փոքրիկ ջերմոց բակում, և խնդրեց նախագծող ընկերության ներկայացուցիչը հստակ նկարագրի և ներկայացնի սխեմաների տեսքով, որից հետո՝

Այլ հարցեր չհնչեցին և **Հ. Ֆրունզիկյանը** շնորհակալություն հայտնեց ներկաներին և ամփոփեց հանդիպումը:

Հանրային լսումների պատասխանատու և վարող՝ Շրջակա միջավայրի վրա ազդեցության փորձաքննական կենտրոն «ՊՈԱԿ»՝

«ՇՄԱՓԿ» ՊՈԱԿ-ի ներկայացուցիչ՝

«Շինվեկտոր » ՍՊԸ-ի տնօրեն /ներկայացուցիչ՝



Հ.Ֆրունզիկյան

Ռ. Սարգսյան